


T2720.2/2915(16)

16

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D502*	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	40/9/-43	42/57/29	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						







JAN 20 1940

重鐫朱青巖先生擬編明紀輯畧卷十六

附明紀

福王

諱由崧神宗第二子。常洵之子。立於南京。在位一年。被執北去。

哈佛大學哈佛燕京圖書館藏印

甲申年夏四月十二日南畿始聞京師陷先帝后崩

府部文武各官齊集魏國公徐弘基第議立親藩討

賊時潞王福王周王孫各避賊淮上鳳陽總督馬士

英言福王神宗孫光宗姪大行皇帝之兄倫序當立

兵部尚書史可法署禮部事兵部左侍郎呂大器持

不可右都御史張慎言戶部尚書高弘圖詹事府詹

事姜曰廣吏科給事中李沾河南道御史郭維經誠



意伯劉孔昭。太監韓贊周等。會議獨大器。後至議未  
決。孔昭沾贊周力主之。如士英言。遂迎福王。○五月  
朔。王入南京。以內守備府爲行宮。初四日監國。十五  
日卽位。以明年爲弘光元年。○史可法馬士英高弘  
圖姜曰廣王鐸並爲東閣大學士。改張慎言吏部尚  
書。士英掌兵部。弘圖掌戶部。進大器吏部左侍郎。沾  
太常寺少卿。贊周掌司禮監。可法督師江北。○起徐  
石麒左都御史。張國維兵部尚書。協理戎政。周堪廢  
戶部尚書。顧錫疇禮部尚書。黃道周何楷張有譽王  
心一何應瑞高倬解學龍賀世壽爲各部侍郎。劉士

禎侯峒曾鄭瑄許譽卿爲寺卿。建言科道章正宸熊  
開元姜埰莊鰲獻袁愷馬兆羲楊時化詹爾選李模  
張瑄鄭友玄喬可聘李曰輔李長春等原官起用。○  
徐汧曹勳吳偉業並以少詹事兼侍讀學士。

以左懋第巡撫應天。安慶田仰巡撫淮揚。總兵官鄭  
鴻逵黃蜚守鎮江。鄭彩管水師。吳志葵防吳淞。黃斌  
卿防上江。御史祁彪佳等。安撫浙閩。○立四鎮。以總  
兵官東平伯劉澤清轄淮海。駐淮北。經理山東一路。  
總兵官高傑封興平伯。轄徐泗。駐泗水。經理開歸一  
路。總兵官劉良佐封廣昌伯。轄鳳壽。駐臨淮。經理陳



明紀 卷一百一十五  
杞一路。總兵官靖南伯黃得功進爵爲侯。轄滁和。駐廬州。經理光固一路。每鎮設兵三萬人。本色米二十萬石。銀四十萬兩。傑降賊也。號翻山鵝。從李建泰出兵。兵敗。南走揚州。大肆殺掠。及設四鎮。傑踞揚州。黃得功與爭。朝廷命萬元吉爲太僕寺少卿。監江北軍。往來開諭。以傑充史可法前鋒。得功始罷兵。

吏部尚書張慎言疏薦原任大學士吳甡。原任吏部尚書鄭三俊。詔赦甡罪。陛見。三俊候另議。是月二十三日。早朝。劉孔昭約諸勲臣。呼大小九卿科道於廷。大罵慎言。欲逐去。謂雪耻除凶。防江防河。舉朝臣子

全副精神。宜注於此。乃今日講推官。明日講陞官。不言及武臣。但知結黨行私。所薦吳甡。有悖成憲。又言慎行原有二心。告廟定策。多方疑阻。不可不誅。慎言立班不辯。御王孫蕃詰孔昭。先帝裁文操江。亦未見作何事業。且吏部職司用人。除推官陞官外。別無職掌。高弘圖曰。朝廷自有公論。何遽殿爭。明日孔昭補疏糾叅。慎言具疏求去。李沾兩解之曰。孔昭擁戴有功。但因文臣啓事屢登。武臣封爵未定。所以爭耳。於是高弘圖姜曰廣相繼乞休。言文武官各有職掌。卽文臣中。他部亦不得奪吏部之權。今用人乃慎言事。



孔昭一手捉定。非其所私。卽謂之姦。臣等皆贅員矣。慎言薦牲勲。臣以爲不可。臣不能知。然稟擬實出臣手。又三俊清剛。係五朝人。望臣終以爲不可不用。是臣罪不減慎言。竊念朝廷之尊。尊於李勉。天子之貴。貴於叔通。臣忝輔弼。目見宸陛。幾若訟庭。愧死無地。請賜罷斥。福王慰留之。

六月封吳三桂薊國公。遣中書沈廷揚海運米十萬石。銀五萬兩。濟其軍。進原在閣。臣謝陞少師兼太子太師。原在遼東。巡撫黎玉田。兵部尚書。御史盧世滌。工部右侍郎。河南勸農兵部尚書丁啓睿復原官。

撫河南開封府推官陳潛夫爲江西道御史。巡撫河南。寨勇李遇知劉洪起充河南總兵官。故將上孫充山東總兵官。皆起義擒殺。山東河南賊將并擒。僞官械送闕下者也。

馬士英薦逆案阮大成知兵。有旨賜冠帶。陛見舉朝大駭。高弘圖請下九卿會議。士英曰。會議則大成必不得用。弘圖曰。吾非阻大成舊制京堂必會議。於大成更光明。士英曰。吾非受其賄。有何不光明。弘圖曰。何必言受賄。一付廷議。國人皆曰賢。然後用之。士英疏言。魏忠賢之逆。非闖賊可比。弘圖曰。廣諸人護持。



局面於所愛而登之天者。曰先皇帝原無成心也。於所惡而墜之淵者。曰先皇帝定案不可翻也。欺罔莫甚。姜曰廣疏言臣前見文武紛競。既慙無術調和。今見欽案掀翻。又愧無能豫寢。遂使先帝十七年之定力。頓付逝波。陛下數日前之明詔。竟成故紙。梓宮未冷。增龍馭之怨恫。制墨未乾。駭四方之觀聽。惜哉維新。乃有此舉。臣所守者。朝廷之典章。所畏者。千秋之公議而已。郭維經疏言此案成先帝之手。今將修實錄。若此案不書。恐在天英靈。必有遺恨。若書之。而今日起用大成於前案。違異。非陛下所以待先帝。并非輔臣所

以待陛下也。呂大器疏言先帝骨肉未寒。爰書儼若日星。而士英悍然不顧。視陛下何如。王給事中羅萬象疏言輔臣薦用大成。或以愧世之無知兵者。然大成實未知兵。伏望許其陛見。以慰輔臣延境之意。禁其復用以杜邪人覬覦之端。御史詹兆恒疏言逆案諸人久圖翻局。幸先帝神明內斷。確不可移。陛下御蹕龍江時。痛先帝異變。對羣臣哭。百姓聞之。莫不灑泣。搥胸。願雪國耻。近聞山東河南士紳皆白衣冠呼顛先帝。驅殺僞官。各守險阻。以拒闖獻。餘黨此誠先帝德澤在人。也。今梓宮抔土未乾。太子二王安在國



讐未報而忽召見大成還以冠帶豈不上傷在天之靈下短忠義之氣懷遠侯常延齡太僕寺少卿萬元吉御史陳良弼王孫蕃左光先兵部郎中尹民興等各疏諫不聽大成召對陳勸賊四事曰聯絡曰控扼曰進取曰策應又陳長江防守之策用為江防兵部侍郎

吏部尚書張嶺言工部尚書程註罷○以徐石麒為吏部尚書何應瑞為工部尚書劉宗周為都察院左都御史

宗周疏論時事不書銜但稱草莽孤臣首言大成進退關繫江左興亡又言討賊之法一曰據形勝江左非偏安之業請進而圖江北今淮鳳等處各立重鎮陛下當親統六軍駐蹕鳳陽東扼淮徐北控豫州西顧荆襄而南去金陵亦不遠以此漸恢漸進秦晉燕齊當必響應脇從者聽其殺賊自効賊勢孤賊黨自盡矣一日重藩屏地方官見賊而逃總由督撫非才即如淮揚數百里間有兩節鉞而不能禦亂卒之南下至淮北一塊土拱手而授之賊尤可恨者路振飛坐守淮城遠移家口是倡逃也劉澤清高傑尤而效之有寄頓家屬之說臣謂一撫二鎮皆可斬也一日



慎爵賞今天下將悍兵疲已非一日請陛下親征所  
至亟問士卒疾苦而身與其之漸資騰飽徐張捷伐  
一面分別各帥封賞孰當孰否輕則量與重則并奪  
軍功既核軍法益伸左之右之無不用命夫以左良  
玉恢復焉而封高傑劉澤清敗逃也而亦封又誰爲  
不封者武臣既濫文臣隨之外廷既濫中璫隨之臣  
悉天下聞風而解體也一曰覈舊官北京破有受僞  
官而逃者有在封守而逃者有奉使命中途而逃者  
宜分別定罪其受僞命南下徘徊於順逆之間者尤  
當顯示誅絕行此數事討賊復讐法具是矣

宗周又疏言賊兵由秦迄晉進逼京師大江以南二  
三督撫曾不聞遣一人一騎北向以壯聲援賊遂得  
長驅犯闕坐視君父危亡而不救則封疆諸臣宜誅  
者一既而大行皇帝凶聞已確敷天痛憤奮戈而起  
決一戰以贖前愆當不俟朝食矣乃爭言固圍之策  
首圖定策之功督撫諸臣仍安坐地方不移一步則  
封疆之臣宜誅者二猶或曰事無稟成迨新朝既立  
自應立遣北伐之師不然卽馳一介使齎蠟丸間道  
北進或檄燕中父老或起塞上戎王共激仇耻哭九  
廟之靈奉安梓宮訪求太子二王苟能効包胥之義



未必無濟於事諸臣計不出此不然則亟趣閩帥鄭芝龍以海舟直搗燕京勅九邊督鎮捲甲疾趨出其不意事或可幾諸臣又不出此紛紛制作盡屬虛文幸寧遠鎮兵入關一奏燕京之捷置南人面目於何地則舉朝謀國不忠宜誅者三更有難解者先帝升遐頒行哀詔何等大典距今月餘未至臣鄉在浙如此遠省可知時移事換是不爲先帝服喪也則今日典禮諸臣宜誅者四至罪廢諸臣量從昭雪自應援先帝十七年春二月詔旨乃一槩竟用新恩翻先帝誅瑞鐵案夫君父一也三年無改之謂何嗟乎已矣先帝憂勤宵旰念念可以對天地泣鬼神一旦身同社稷罹古今未有之慘而食報於臣下者乃如此其薄也仰惟陛下再發哀痛之詔立與問罪之師請自中外諸臣之不忠者始

高傑劉澤清列諸鎮名合疏論宗周自稱草莽孤臣有無君之心請加重懲又言勸陛下親征以搖動帝祚奪諸將封以激變軍心不仁不智獲罪名教黃得功疏辯臣實未列名亦未與聞馬士英寢其疏起錢謙益陳子壯轉劉宗周並爲禮部尚書兼翰林院學士



補華允誠吏部員外郎夏允彝吏部主事黃文煥楊廷麟並翰林院編修○釋高墻罪宗七十五案凡三百四十一名爲庶人

上先帝謚曰思宗烈皇帝忻城伯趙之龍言思皇后非美謚尋改毅宗

周氏曰孝節皇后追宗建文君曰惠宗讓皇帝景帝

曰代宗景皇帝復懿文太子興宗孝康皇帝尊皇考

福恭王曰恭皇帝立專廟予前大學士文震子孟謚文肅劉一燝謚文端賀逢聖

論文忠禮部侍郎羅喻義謚文介詹事姚希孟謚文毅兵部尚書呂維祺謚忠節隨州知州王燾謚忠愍

湖廣巡按劉熙祚謚忠毅宣大總督盧象昇謚忠烈

御史李模疏言今日臣工能刻刻自認先帝罪人方

能爲陛下功臣原夫南都擁立陛下不以得位爲利

諸臣何敢以定策爲名至於各鎮將濫膺封爵事先

帝未聞桑榆收效事陛下未見汗馬奏績論其入亦

在戴罪之列倘謂勸進有章足當夾輔不思繁纓可

惜豈容輕假伏乞勅諭諸臣必大慰先帝在天之靈

庶無負國家延世之賞一槩勲封俱宜辭免以贖前

愆

秋七月遣總兵官王之綱迎太后於河南郭寨常守

義家

湖廣巡按黃澍承天守備太監何志孔辭朝求召對



既入澍面糾馬士英姦貪不法志孔復前佐澍言其  
無上數事士英出以金寶餽福邸舊園田成張執中  
等謂福王曰王上非士英不得立逐之則爲背恩且  
士英在閣諸事不煩王上可以優閒自在自英去誰  
復念王上者福王卽傳諭慰留澍連疏攻士英福王  
趣澍赴楚乃已○先是六月初二日

大清傳檄至濟寧一固山額真石爲傳奉事奉攝  
政王令旨各調兵馬前往山東等處所過地方官民  
出郭迎接違者以抗師治罪一平西王吳爲安撫  
殘黎事攝政王率禁兵數十萬南下爾山東等處軍

民速速投誠至七月初二日有部文索取冊籍時山  
東歸順盧世淮降濟王走死李建泰謝陞馮銓皆爲  
內院大學士興平伯高傑上疏言目今大勢守江北  
以保江南人人能言之然從曹單渡則黃河無險自  
穎歸入則鳳泗可虞猶或曰有長江天塹在耳若何  
而據上游若何而防海道豈止瓜儀浦采爲江南門  
戶已哉傑發總兵李朝雲赴泗州防守叅將蔣應雄  
許占魁郭茂李玉赴徐州防守

遣御史陳蓋募兵雲南○廣西巡撫方震孺松江知  
府陳亨給事中李維樾與兄僉都御史李光泰各措



餉募兵入衛建陽知縣蔣芬造火器募勇士勤王疏  
言倘徼天幸迅掃狂氛指日奏凱社稷之福否則斷  
脰決腹瞑目地下以報國家三百年養士之恩以無  
負臣三十年讀書之志識者壯之

以僉都御史劉之渤巡撫四川范鏞巡撫貴州起張  
宗禮部儀制司主事熊汝霖戶科給事中章正宸吏  
科給事中

正宸上疏言兩月以來大吏秉樞矣不聞獻俘武臣

私鬪矣不聞公戰

時高傑黃得功舉兵爭淮揚鎮江  
守將于永綬與浙營鬪殺守備李

大老成引遁矣不聞勸駕諸生捲堂矣不聞請纓如

此而曰與朝氣象臣雖愚知其未也臣以進取爲第  
一義進取不銳則守禦必不堅比者河北山左忠義  
響應各結營寨多殺僞官爲朝廷効死力不及今電  
掣星馳倡義申討是剿天下之氣而坐失事機也宜  
亟檄江北四鎮分渡河淮聯絡諸路齊心協力互爲  
聲援使兩京血脉通而後塞井陘絕孟津據武關以  
攻隴右賊不難旦夕殄也陛下又何不縞素親率六  
師駐蹕淮上豈必冒矢石履行陣哉聲靈震動人切  
同仇勇憤百倍矣陛下欲赫然爲中興令主嚴飭諸  
大臣速簡爾車徒備爾芻糗選爾將帥修爾于矛繕



明紀輯畧 卷二十一  
爾城塹進寸則寸進尺則尺扼險處要形勢已得天  
下大矣不患無人應運而出也

中旨以吏部左侍郎張有譽爲戶部尚書有譽清望  
素著馬士英借以開傳陞倖門也

魏國公徐弘基薦起原任吏部侍郎張捷御史張孫  
振劉光斗工部主事劬之麟○封太后弟鄒存義大  
興伯福府千戶常應俊襄衛伯○補陳子龍兵科給  
事中

吏部左侍郎呂大器疏參馬士英賣官鬻爵壞法亂  
紀諸罪予告去尋削籍大學士高弘圖姜曰廣吏部

提問

尚書徐石麟禮部尚書兼翰林院學士劉宗周先後  
論馬士英阮大成朋姦誤國各予告去○八月命錦  
衣衛都督馮可宗遣官旂緝事禮科給事中袁彭年  
疏言高皇帝時不聞有廠文皇帝十八年始立東廠  
內官主之此事不見正史嗣後一盛於成化西廠汪  
直東廠尚銘當時已不得稱純治再盛於正德丘聚  
谷大用等皆倚逆瑾煽虐天下騷然三盛於天啓逆  
璫魏忠賢幾危社稷厥衛之典廢關世道之汙隆故  
當時無不營而得之官中外有不脛而走之賄逃網  
之方卽在密網之地作姦之事卽係發姦之人前鑒



不遠所宜。深戒也。疏入。謫彭年。浙江按察司照磨。論定策功。超遷太僕寺少卿。李沾爲都察院左都御史。

南幸加恩。進史可法少傅。馬士英少保。進朱國弼保國公。

以祁彪佳爲右僉都御史。巡撫蘇松。

大清兵連破李自成爲中國。復讐高弘圖等議遣使通好。而難其人。應天巡撫左懋第請行。加兵部右侍郎與左都督陳弘範太僕寺少卿馬紹愉偕往。命懋第經理河北聯絡關東諸軍。懋第言臣此行致祭先

帝后梓宮。訪求東宮二王踪跡。謹不敢辭。但旣充使臣。勢不能兼封疆。重寄請解臣經理職銜。且馬紹愉前爲臣劾罷。今不當與共事。乞停其行。皆不許。懋第又言臣此行生死未卜。敢劾一辭。臣所望者恢復而近日朝端行事似少恢復之氣。願陛下時時以先帝讐耻爲心。瞻高皇之弓劍。則思成祖列聖之陵寢。何存。撫江上之黎氓。則思河北山東之赤子。誰恤。更望廷臣時時以整頓士馬爲事。勿以和議爲必成。勿以和成爲足恃。必能渡河而戰。始能扼河而守。必能扼河而守。始能畫江而安衆。謹其言。時齎白金十萬兩。



幣帛五萬匹以兵三千人護行

八月渡淮十月朔次張家灣止許百人入

都懋第衰服往館鴻臚寺以不得赴梓宮即於館所

遙祭是月二十八日遣還甫出京弘範密奏請身赴

江南招諸將劉澤清等降附留懋第等勿遣乃自

滄州追還改館太醫院懋第處之怡然讀書不輟

以僉都御史程世昌巡撫應天巡按河南王燮巡撫

山東燮初任祥符令三守危城才識膽力無不超絕集民兵至二十萬人共賴之

以從逆來南兵科給事中時敏開屯大瞿山中允衛

亂文監典平伯高傑軍原未從逆來南原任薊遼總

督王永吉經畧山東河北兵部尚書張彥縉代丁啓

睿總督河南勸農順天巡撫楊鶚為兵部右侍郎總

督川湖雲貴廣西軍務

阮大成怨左光先欲陷之馬士英指稱許都餘黨復

叛罷浙江巡撫黃鳴俊貶巡按任天成追坐光先誘

降激變舉朝無敢言者蘇松巡撫祁彪佳疏言許都

之變突發於東陽延及義烏浦江時光先以按浙差

滿出境聞變念浙撫缺員隨即回省調兵措餉經營

規畫指示方畧不一月間元凶授首兩浙危而復安

今乃奉旨推求忘其弭亂之功坐以激變之罪夫弄

兵揭竿破城據邑罪不容於死當日為兵威所迫賊

黨窮蹙出降非誘降也必使光先誅鋤不力養虎貽

患乃告無罪乎大成怒命御史張孫振劾彪佳姦貪



且定策有異議辭連吳姓鄭三俊劉宗周彪佳因罷去

越其傑巡撫河南

其傑貴州舉人馬士英妹夫也

以解學龍為刑部尚書○進劉澤清東平侯封鄭芝龍南安伯

起逆案楊維垣為通政使起蔡奕琛吏部右侍郎內批張捷補吏部左侍郎張孫振河南道御史

以易應昌為左副都御史郭維經為左僉都御史起葛寅亮太常寺少卿成勇福建道御史文安之詹事府詹事劉同升翰林院侍講趙士春翰林院編修王

志道戶部右侍郎申紹芳戶部督餉侍郎以賀世壽

為戶部倉場尚書加大學士王應熊太子太保總督

川湖雲貴軍務賜尚方劍蟒玉開府遵義○以張鳳

翔為兵部尚書兼右副都御史巡撫蘇松盧若騰為

右僉都御史巡撫鳳陽

予北京殉難諸臣謚大學士范景文謚文貞戶部尚

書倪元璐謚文正左都御史李邦華謚忠文副都御

史施邦曜謚忠介戎政右侍郎王嘉彥謚忠端刑部

右侍郎孟兆祥謚忠貞大理寺卿凌義渠謚忠清太

常寺少卿吳麟徵謚忠節右庶子周鳳翔謚文節左



諭德馬世奇謚文忠左中允劉理順謚文正簡討汪偉謚文烈太僕寺丞申佳胤謚節愍戶科給事中吳甘來謚忠節御史陳良謨謚恭愍御史陳純德謚恭節御史王章謚忠烈吏部員外郎許直謚忠節兵部郎中成德謚忠毅兵部員外郎金鉉謚忠節觀政進士孟章明謚節愍俱立祠賜名旌忠勲戚惠安伯張慶臻謚忠武襄城伯李國楨謚貞武新樂侯劉文炳謚忠壯左都督劉文耀謚忠果駙馬都尉鞏永固謚貞愍太監王承恩謚忠愍大同巡撫衛景瑗謚忠毅宣府巡撫朱之馮謚忠壯總兵官贈遼國公吳襄謚

忠壯總兵官周遇吉謚忠武其餘賜祭葬贈官有差然紀載不備謚典尚有闕者○以陳盟謝德溥並爲禮部侍郎兼詹事府詹事進何騰蛟兵部右侍郎巡撫湖廣

馬士英奏童生捐免府州縣考上戶納銀六兩中戶四兩下戶三兩竟赴院試

戶科給事中吳适疏言國耻未雪陵寢成墟豫東之收復無期楚蜀之摧殘彌甚舊都草創一事未舉萬孔千瘡憂危叢集畿南各省處處旱災臣鄰避禍將帥構釁伏惟陛下始終兢惕兼倣祖制早午晚三朝



勤御經筵面諮時政親近儒臣朝期勿更傳免而躬  
崇儉約省工作以寬民力慎爵賞以重名器無蕪之  
征一槩報罷被災之地酌量蠲賑廉吏必獎懲根本  
之計莫急於此疏入不省

布衣何光顯上書請誅馬士英劉孔昭詔斬於市籍  
其家

冬十月

大清攝政王遣副將唐起龍招撫江南致書史可法  
云予向在瀋京卽知燕山物望咸推司馬及入關破  
賊與都人士相接見識介弟於清班曾託其手勸平

安拳拳衷緒何時得達比聞金陵有自立王者夫君  
父之讐不共戴天春秋之義有賊不討則故君不得  
安葬新君不得卽位去至嚴也闖賊李自成稱兵犯  
闕肆毒君親中國臣民未聞加遺一矢平西親王吳  
三桂介在東陲獨效包胥之哭朝廷感其忠義念累  
世之夙好棄近日之小嫌爰整貔貅驅除梟獍入京  
之日首崇懷宗帝后謚號卜葬山陵悉如典禮親郡  
王將軍以下悉仍故封勲戚大臣咸在朝列耕市不  
驚秋毫無犯方擬天氣秋爽遣將西征傳檄江南連  
兵河朔陳師鞠旅僇力同心以報爾君父之仇彰我



朝廷之德豈意南州諸君子苟安旦夕不審事機聊慕虛名頓忘實害予甚惑焉夫國家之定燕都乃得之於闖賊非得之於明朝也賊毀明朝廟主辱及先王國家不憚征繕之勞悉索敵賦代爲雪耻何以報德乃乘王師暫息卽欲雄據江南坐享漁人之利豈謂江淮天塹不能飛渡也况闖賊但爲明朝寇虐未嘗得罪於國家徒以薄海同仇特申大義今若擁稱尊號便是天有二日予將簡西征之銳卒轉旆東征且擬釋彼重誅命爲前導夫以中華全力受制潢池而欲以江左一隅兼支大國勝負之數無待著龜矣

予聞君子愛人以德小人以姑息諸君子果識時知命切念故主厚愛賢王宜勸令削號歸藩朝廷當待以虞賓位在諸侯王上不負仲義討賊興滅繼絕之初心至於南州諸君子賁然來儀則爾公爾侯則爾分上有平西王典例在惟執事圖之晚近士大夫好高立名每有大事輒相築舍昔宋人議論未定兵已渡河可爲殷鑒先生領袖名流主持至計必能貫察始終取舍從違宜早審定兵行在卽可東可西南國安危在此一舉記有之惟善人能受直言故敢布腹心停聞大教江天有望跼跂爲勞言不盡意



明紀事本末 卷二十一  
可法答書云南中自接好音隨遣使訊吳大將軍未  
敢遽通左右誠以大夫無私交未敢委隆誼於草莽  
也今捧來諭以逆成尚稽天討爲貴國憂法且感且  
愧懼左右不察謂南國臣民偷安江左頓忘君父之  
仇故爲毀下一陳之我大行皇帝敬天法祖勤政愛  
民真堯舜之主祇以庸臣誤國有三月十九日之變  
法待罪南樞救援無及師次江上凶信突來雖肆法  
於市朝爲泄泄者戒奚足慰先帝在天之靈爾時臣  
民切齒願悉東南之甲立翦凶讐而一二老臣謂國  
破君亡宗社爲重相與迎立今上今上非他神宗之

孫光宗猶子大行皇帝兄也名正言順天與人歸五  
月朔日駕臨南都羣臣勸進僅允監國迨臣民伏闕  
屢請始於十五日卽位命法視師江北刻期西征忽  
傳我大將軍吳三桂借兵貴國破走逆成殿下入都  
爲我先帝后發喪掃清宮殿撫輯羣黎此一舉動比  
爲大明臣子無不長跪頂禮豈但感恩圖報已哉前  
因遣使請命連兵西討是以王師旣發復次江淮乃  
辱明諭引春秋大義來相詰責推而言之此爲列國  
君薨世子應立有賊未討不忍死其君者言耳若夫  
天下共主身殉社稷青宮皇子慘變非常而拘牽不



卽位之說坐昧大一統之義倉卒出師將何以維繫人心號召忠義是以莽移漢祚光武中興不廢山陽昭烈繼起懷愍亡國晉元紹基徽欽蒙塵宋高嗣統皆於大仇未報之日先正位號本朝傳世十六正統相承仁恩遐被貴國夙膺封爵載在盟府而痛心本朝之難驅除亂逆春秋大義復見於今竊惟契丹和宋多輸以金繒回紇助唐原不利土地况貴國篤念世好兵以義動萬代瞻仰若規此幅員爲德不卒是貴國以義始而以利終也語云樹德務滋除惡務盡今賊未伏天誅惟願合師問罪共梟逆首以洩敷天之恨兩國盟好傳之無窮矣法北望陵廟無淚可揮身陷大戮罪應萬死所以不卽從先帝者爲社稷故也伏乞殿下垂鑒

可法上疏曰先帝以聖明罹慘禍此千古未有之變先帝崩於賊恭皇帝亦崩於賊此千古未有之仇先帝大故在北諸臣死節者少在南諸臣玩賊者多此千古未有之耻庶民之家父兄被殺尚思定胸斷脰得而甘心况朝廷乎宜速下討賊之詔責臣與四鎮悉簡精銳直抵秦關懸上賞以待有功假便宜而責成效庶忠義士聞而感奮也陛下嗣承大統與前代



不同諸臣但有罪之當誅實無功之足錄恩外加恩  
名器濫觴宜爲慎重兵行之餉宜將內庫本折奏濟  
軍供工役繁費一切報罷欲燕游戲一切謝絕卽事  
關典禮槩從檢約願陛下念念思祖宗之大業刻刻  
憤先帝之深讐振舉朝之精神萃四海之物力以并  
於選將練兵一事庶幾人心可收天意可回矣疏人  
不省時星變地震大旱饑福王居禁中惟漁幼女飲  
火酒雜伶官演戲爲樂修興寧宮建慈禧殿工費浩  
繁賞賚不節國用匱乏搜括殆盡佃練湖放洋船升  
蘆課治酒之家每觔稅錢一文馬士英阮大成用事

邊警日報而福王不知

十一月

大清兵入宿遷史可法赴援拔營去

大清兵至夏鎮別由濟寧南下又從洛陽渡河攻海  
州圍邳州史可法高傑劉澤清各告急不省○十三  
月都督陳洪範南還洪範盛稱北兵旦夕南下馬士  
英曰有四鎮在何慮焉

總兵劉弘起許定國王之綱擒獲河南南州縣僞官共  
斬賊三千二百七十六級○進練國事兵部尚書白  
貽清太子太保戶部尚書○以李永茂巡撫南贛張



秉貞巡撫浙江

授左夢庚

寧南侯良王子

都督僉事掛平賊將軍印○追封

故兵部尚書于謙臨安伯遣官致祭○刑部尚書解

學龍上從逆諸人六等治罪

一等應磔宋企郊等一人二等應斬長繫侯

決光時亨等四人三等絞贖陳名夏等七人四等戍贖王孫蕙等十五人五等徒贖沈元龍等十人六等

杖贖潘同保國公朱國弼等各疏叅刑官恣意舞文

人人出脫學龍革職以高倬為刑部尚書

除夕福王在興寧宮忽忽不樂大監韓贊周言新宮

宜歡弘光曰梨園殊少作者贊周泣曰臣以陛下遇

令節或思皇考或念先帝乃作此想邪

乙酉弘光元年是歲

大清順治二年春正月乙酉朔日食初八日壬辰立

春流星入紫微垣吏科給事中吳适上言五事曰信

詔旨曰核人才曰儲邊材曰伸國法曰明言責疏入

不省

都督陳際遇北降高傑率兵防河至睢州總兵許定

國享傑殺之席上定國北奔事聞命本鎮兵馬仍聽

傑妻邢氏統轄加傑部將李本身太子太保左都督

提督該鎮

以吏部左侍郎蔡奕琛為東閣大學士○通政使楊



維垣請重定欽案吏部尚書張捷請表章三案諸臣

從之劉廷元呂純如王德完黃克纘王永光楊所修章光岳徐大化范濟世各予謚蔭祭葬徐楊先

劉廷宣許鼎臣岳駿聲徐卿伯姜麟各贈官子祭葬王紹徽徐兆魁喬應甲陸澄原各復原官唐世濟楊兆升吳孔嘉郭如閻周昌晉袁洪勳徐復揚陳以端各起用維垣又請重頒三朝要典

以通政使楊維垣為左副都御史阮大成為兵部尚

書瞿式耜巡撫廣西王驥巡撫湖廣馬乾巡撫四川

○起朱大典為兵部右侍郎○戎政尚書張國維予

告歸禮部尚書顧錫疇致仕

二月妖僧大悲自稱定王下法司審係齊庶宗也伏

誅○禮部請上先太子謚曰獻愍皇太子永王曰永

悼王定王曰定哀王鴻臚寺少卿高夢箕密奏太子

在浙命大監李繼周奉密札召之

三月甲申朔偽太子至寓錦衣衛都督馮可宗家編

傳朝官識認各官帶攜朝服往其人南面坐大學士

王鐸指原任講官方拱乾問曰此何人曰方先生講

官劉正宗趨上不識也拱乾問講讀先後曰忘之問

書倣字句曰忘之給事中戴英問先帝親審吳昌時

於廷東宮立何地曰誰吳昌時英乃直詰之曰汝是

許冒以實告當救汝其人即跪求救命授紙筆供稱

高陽人王之明駙馬王昺姪孫家破南奔遇高夢箕

附明三王紀



家人穆虎教我昌作東宮鐸等回奏次日劉正宗戴英等奏言王之明昌稱太子非穉年所能辦必有大姦挾為奇貨請勅法司根究中允李景濂言太子的係假冒御史陳以瑞言愚民觀聽易惑以為諸臣有意傾先帝之子(福)王命將王之明好生護養勿驟加刑俟正告天下愚夫愚婦皆已明白然後申法集文武百官及紳衿耆老於午門外鞠問高夢箕穆虎具服如王之明言下之明刑部獄○左良玉黃得功劉良佐及湖撫何騰蛟江督袁繼威皆奏言太子是真論法司錄供招示之

殺故妃童氏

福王為郡王時娶妃黃氏卒及為世子娶妃李氏以洛陽陷遇害童氏周府宮人逃亂至尉氏縣依福王於旅邸生一子已六歲福王南奔各不相顧太妃與童氏亦各逃散太妃自河

南來陳潛夫奏妃尚在福王不名至是自越其縲所詣宮弗納劉良佐言童氏非假冒馬士英言苟非至情所關豈敢自詣宜迎入宮密諭河南撫按護送皇子來京不聽下童氏錦衣衛獄獄中細書相遇月日及離別情事甚悉付掌衛馮可宗呈覽棄不視可宗辭審福王命屈尚忠嚴刑考掠斃之獄中

麟按高陽人王之明昌稱成帝子子與妖僧大悲稱衛太子邯鄲人王昌稱成帝子子與妖僧大悲稱定王前後相同不知者以福王無道疑其傾先帝血亂馬士英言太子幸脫虎口不即到官說明却走紹興一可疑太子資稟厚重此人機辯百出二可疑公主任在周奎家乃云已死三可疑語頗透徹不以人廢言也童氏與弘光邂逅生子踪跡甚明福王昧心反以為假王之明實係假冒道路籍籍反以為真夫不認妃可殺之不可認太子可認之而以姦人冒國姓承國統其可乎



加湖督何騰蛟兵部右侍郎總督川湖雲貴廣西軍務楊鶚回部管事科臣吳适言鶚與左良玉相得共矢夾輔酌定營制經理屯田已有端緒一旦撤回恐楚事遂不可爲且強敵在前屢易大帥軍法所忌疏入不省

大清兵入考城破歸德睢州巡按御史凌駟死之進偪江北直下徐賴總兵李成棟南遁○夏四月癸丑朔○左良玉南下聲言討馬士英又沿途傳檄張榜稱奉太子密旨率師赴救士英調黃得功劉良佐離汛遣劉孔昭阮大成方國安朱大典同禦之進大典

兵部尚書國安掛鎮南將軍印劉澤清託名勤王率兵大掠而南○史可法疏言良玉原不敢與君父爲難若北兵一至宗社可處不知士英何以蒙蔽至此不省時以選妃爲急徧選不中惟太監田壯國在杭州選陳氏王氏李氏三人命入元暉殿

從逆光時亨周鍾武愆伏誅併殺原任武德僉事雷演祚禮部主事周鏞二人與阮大成有隙故借從逆殺之

是月二十二日甲戌

大清兵渡淮福王召諸臣入問方畧諸臣皆請備淮



明紀輯覽 卷五  
陽福王曰左良玉原非反叛淮陽宜守不可撤江防  
兵馬士英厲聲曰吾君臣寧死於清不死於左良玉  
手福王默然○丙子

大清兵猝至揚州攻新城丁丑城陷史可法自殺兵  
部職方司員外郎上海何剛庶吉士崇德吳爾璉監  
守鈔關長洲盧渭分守西門崑山歸昭揚州知府濟  
寧任民育同知遼東曲從直鄞縣王纘爵原任江都  
知縣鄞縣周志畏新任知縣新喻羅伏龍兩淮鹽運  
使臨海楊振熙監餉知縣餘姚吳道正江都縣丞孝  
豐王志端諸生高孝纘王士琇王纘王績王績王績醫人

陳天拔畫士陸榆武生戴之蕃義勇張有德市民馮  
應昌皆死之原任兵部尚書張伯鯨被執自到死

璘按史閣部督師江北開府維揚矢志報効經營  
伊始又當嗣主淫昏耽於酒色權姦執國命大帥  
擅兵威諫則不行言則不聽茫茫宇宙無可爲之  
事計惟收羅豪傑訓練軍馬激勸屬吏拊循商民  
布衣蔬食與士卒同勞苦職分已盡心血已竭公  
以一死殉國同事諸君子以一死殉公嗚呼烈矣

福王召羣臣問遷都計禮部尚書錢謙益工科給事  
中吳希哲等力言不可乃止○左良玉病死其子夢

庚至采石爲黃得功所敗引還捷聞封得功靖國公  
加阮大成朱大典太子太保

五月壬午朔○五日丙戌百官賀節福王不視朝入



日巳丑夜北軍乘筏張燈向鎮江而別由老鶴河渡庚寅開閘放舟蔽江而南鄭鴻逵鄭彩棄鎮江東遁辛卯大內演戲福王與太監韓贊周屈尚忠田成等雜坐酣飲是夜二鼓開聚寶門出奔黎明馬士英率黔兵奉太后奔浙宮女四竄百官逃散市人出王之明於獄卽位武英殿呼萬歲行四拜禮乙未

大清兵薄城下忻城伯趙之龍出迎豫王承制封之龍興國公○丁酉豫王受漢官朝謁劉良佐請擒福王贖罪時福王至太平府百姓閉城不納因走蕪湖總兵黃斌卿已遁匿中軍翁之琪舟中良佐追及且傳豫王令召黃得功得功單騎馳出大罵良佐伏弩中其喉得功嘆曰我無能爲矣乃自剄良佐挾福王去之琪投江死

附南都失守前後死難諸臣

刑部尚書高倬中書舍人陳燧及其子舉人陳作俞欽天監挈壺正上海陳于階戶部郎中漢陽劉成治戶部主事華亭吳佳胤國子監生徽州吳可箕武舉江寧黃金璽皆自縊死

禮部主事新城黃端伯以不屈死○中書舍人無錫龔廷祥赴秦淮河死○貴池諸生吳應箕常熟諸生



徐守質常州諸生張龍文吳福之徐安遠皆以起兵死。○徽州鄉紳金聲被執不屈死。義旅陳有功余元宣吳國楨萬會韋武韜曹之璵皆戰死。

嘉定原任通政使侯峒曾及其子諸生玄演玄潔進士黃淳耀及其兄淵耀舉人龔用圓張錫眉崑山貢生朱集璜皆以抗節死。

崑山諸生陶琰自剄死。故將王公揚年七十戰死。○原任狼山總兵官王佐才闔門被殺。○長洲諸生顧所受原任少詹事徐汧松江原任禮部主事夏允彞原任兵科給事中陳子龍皆投水死。諸生夏完淳彞仲

子被刑死。年十八貢生夏之旭自縊死。彞仲

原任中書舍人李待問原任博羅知縣章簡華亭教諭睦明永皆以城陷死。○江陰拒命力戰凡攻圍三月城陷典史陳明遇鄉紳戚勳皆闔門自焚死。○兵下嘉湖原任吏部郎中錢棟戰死。

原任吏部尚書徐石麒自縊其僕祖敏徐錦從死焉。石麒字寶摩嘉興人天啓二年進士死時年六十八

左懋第在北聞南京失守拊心慟哭其從弟懋泰先為吏部員外郎至是來見勸降懋第曰此非我弟叱之出閩六月十二日與從行兵部司務陳用極游擊



明一統志卷之...  
王一斌都司張良佐劉統王廷佐俱被殺懋第萊陽人崇禎四年進士授韓城知縣有異政遭父喪三年不入內寢事母盡孝考選戶科給事中每敷陳時政上皆嘉納  
福王上為應天巡撫

豫王既定江浙以福王王之明北去

唐王諱聿鍵初封南陽王襲祖端王爵崇禎九年京師戒嚴倡義勤王以擅自出境治罪

劉高墻福王即位赦出南京失守即位於福州丙戌八月出奔沒於江在位一年

乙酉年夏五月

大清兵渡江鎮江總兵官鄭鴻逵鄭彩撤師回閩時  
潞王在浙唐王亦至會於杭州唐王勸潞王監國不聽  
鴻逵遂奉唐王至福州與福建巡撫張肯堂巡按

吳春枝南安伯鄭芝龍原任禮部尚書黃道周等會議道周請王監國鴻逵曰不正位號無以杜後起者遂定議閏六月十五日奉王即位於福州以布政司署為行宮是月嘉湖平

大清兵至杭州浙江巡撫張秉貞以潞王出降錢塘知縣崑山顧咸建被殺懸首城上暑月一蠅不集顏色如生臨安知縣達州唐自彩原任紹武府同知錢塘王道焜原任行人陸培海寧舉人祝淵周宗彝及其弟啟琦進士俞元良皆死之大清遣官招撫浙東原任左都御史山陰劉宗周絕



食二十三日死宗周字起東萬曆二十九年進士原

任蘇松巡撫山陰祁彪佳赴池水死彪佳字弘吉天啓二年進士死

時年四十四原任大學士高弘圖寓紹興絕食死○會稽

諸生王毓著受業劉宗周之門杭州失守宗周絕食

未死毓著上書云今日死猶為乾淨士願先生早自

決母為王炎午所弔乃召故交歡飲命伶人奏樂酒

罷携燈出門投柳橋下死鄉人私謚正義先生同邑

諸生潘集懷石自沉渡東橋下死山陰人周卜年赴

海死同邑醫人倪文徵坐缸中上覆一缸命人掩土

而死鄞縣諸生趙景麟哭於文廟赴泮池死

秋七月朔改元隆武以福州為天興府以張肯堂為

吏部尚書李長倩為戶部尚書曹學佺為禮部尚書

吳春枝為兵部尚書周應期為刑部尚書鄭瑄為工

部尚書馬思理為通政使鄭廣英為錦衣衛都督以

天興建寧延平興化四府為上游汀州邵武漳州泉

州四府為下游各設撫按封鄭芝龍鄭鴻達為侯鄭

芝豹鄭彩為伯芝龍泉州人弟芝虎勇冠軍以征

劉香老沒於海次鴻達次芝豹起蔣德璟黃景昉黃道周蘇觀生陳洪謐何楷林欽

楫朱繼祚黃鳴俊曾櫻何吾騶郭維經葉廷桂等以

次至皆為大學士王應熊楊廷麟姜曰廣吳牲高弘



圖鄭三俊等雖不能至亦列其名隆武尚文學博通經史手草文檄下筆敏妙批答章奏皆自爲之

大學士黃道周以國勢衰微政歸鄭氏大帥恃恩觀望不肯出關募兵請自往江西聯結忠義以圖恢復優詔答之是月二十一日道周啟行僅齎一月糧所至安撫遺黎遠近景從得義旅九千餘人由廣信出衢州

八月廣西靖江王亨嘉自稱監國不受唐王詔令以征蠻將軍楊國威爲大帥據桂林廣西新任巡撫瞿式耜蒞梧州卽移書總督丁魁楚使爲備魁楚檄思

恩叅將陳邦傳防梧亨嘉親率兵至執式耜命易朝服見不從脇以兵不爲動遂奪其勅印先以小艇載式耜回桂林魁楚遣將趙十駟嚴遵諾馬吉翔及陳邦傳等邀擊亨嘉敗之式耜在城陰結國威部將焦璉守城皆璉兵官軍至城下陳邦傳縋而入擒亨嘉國威械送福州斬於市論功封魁楚平粵伯加式耜兵部右侍郎兼都察院右副都御史

唐王遣兵科給事中劉中藻頒詔浙東先是魯王避難台州張國維方逢年熊汝霖孫嘉績鄭遵謙柯夏卿宋之普陳函輝等謀立王朱大典亦上表勸進遂



定議迎王於台六月朔監國駐紹興府以方逢年張國維宋之普朱大典皆為大學士國維督師江上封方國安荆國公張鵬翼永豐伯鄭遵謙義興伯王之仁武寧伯起御史陳潛夫太僕寺少卿監各鎮兵馬會閩中頒詔至魯王不悅欲還台州國維上疏唐王言國當大變凡為高皇帝子孫皆宜同心并力共復國讐功成之後監國退守藩服禮制昭然若以倫序叔姪定分在今日原未暇易且浙東人心渙散鳩集為勞一旦南拜正朔鞭長不及猝然有變唇亡齒寒悔莫可追臣老矣豈敢朝秦暮楚有所左右於其間哉熊汝霖等皆曰吾知奉吾君而已遂不受詔

江西被兵巡撫曠昭棄城走南昌瑞州臨江皆陷昭

至萬安副將白之裔叛引兵入城知縣梁於涘被執

不屈死之於涘字飲光江都人崇禎十六年進士袁州府同知攝府事

李時興竭力城守守將蒲纓戰敗湖廣援將黃朝宣

五營兵譟而歸時興知事不可為自縊於萍鄉官舍

時興福州舉人廣信府同知胡甲桂蒞任袁州吉安已失廣

信孤危效死不去城陷被執不屈死之甲桂字秋卿崑山人崇禎

十三年臨川鄉宦曾亨應見南昌破江西郡縣多陷

與友人艾南英揭重熙謀率眾扼守會永寧王慈炎

進士



招連子峒兵收復建昌撫州亨應起兵與相犄角俄而

大清兵至部下士死者三百餘人亨應被執并執其

長子筠亨應顧謂筠曰勉之母自負筠曰諾於是父

子同死亨應弟和應曰吾不死何以見吾兄於地下

急奉其父原任廣東左布政使棟避之肇慶乃赴井

死棟弟棻為蒲圻知縣益為貴州僉事皆死難人稱

曾氏一門五節

曾氏一門五節

亨應字子嘉崇禎七年進士原任吏部文選司主事

江西按察司副使分巡建昌道王養正與布政使夏

萬亨建昌知府王域推官劉允浩南昌推官史夏隆

奉盜王起兵守建昌叛兵內應城陷王走免養正萬

亨域允浩夏隆皆被執過南康士民以養正前為南

康守有恩奔走號泣請貸其死不許械至武昌諭降

不屈同日死之

養正字聖功泗州人崇禎元年進士妻張氏間難絕食九月死○萬亨字

元禮崑山舉人妻顧氏媳陸氏一孫一孫女皆赴井死僕婢從死者十餘人○城守元壽華亭舉人為王

部主事權稅蕪湖都城陷諸關差各攜稅銀遁去城嘆曰君父遭非常之變為臣子者反以為利乎悉歸

之南京戶部其操守如此○允浩掖縣人夏隆宜興人皆崇禎十六年進士○以上狗難諸臣事在乙酉

月年八

馬士英欲謁魯王張國維首論士英誤國十大罪原

任九江僉事王思任亦上書太后請斬士英又遺士



英書言閣下誤國至此無以自解莫若明水一盃自  
 刎以謝天下如或逍遙湖上效賈似道故轍千古笑  
 耻已經冷絕再不然如伯懿渡江吾越乃報仇雪耻  
 之國非藏垢納汙之區也士英遂不敢入  
 鄭芝龍遣給事中楊應奇入粵督餉叅遲誤官數十  
 員提問亦不至芝龍又令各官捐助又紳助大戶助  
 又預徵次年錢糧又大鬻官爵倡優僕隸盡列冠裳  
 拜謁官府鞭撻里鄰晉江令金允治聽訟兩造皆稱  
 職官挺立而語互毆於庭不可制小民受害歧坐  
 大清兵至為之謠曰清行如蟹曷遲其來

清行如蟹

冬十月故妃會氏至初唐王孤身南來鄭鴻達獻美  
 女十二人備後宮至是迎后至后賢而知書唐王深  
 敬重之

隆武未有子鄭芝龍有子森賜國姓改名成功日侍  
 左右唐王意有所向成功輒知之以告其父廷臣無  
 敢異同者何楷劉中藻皆以忤芝龍罷去○十二月  
 閣臣黃道周至婺源遇

大清兵戰敗被執一軍皆沒執至江寧內院洪承疇  
 上疏言道周清節夙學負有重望請貸其死不允臨  
 刑過東華門坐不起曰此與高皇帝陵寢近可死矣



監刑者從之。其幕下士中書檟雍蔡紹謹。兵部主事

趙士紹等皆死。道周字幼元。涇州人。天啓二年進士。精天文曆數。王極請書所著三易洞

論革蒙新書。學者窮年不能通。其說其後家人於笥中得一小冊。乃道周自推。終於丙戌年。年六十有二。

明季人物。惟劉宗周黃道周為士林儀表。云按洪公

以道周同鄉。遣人申意。道周翼日洪承疇死久矣。公

山之敗。先帝痛其死。賜祭九壇。親自哭臨。備極卹典。此必無賴小人冒名耳。世公聞之。且為上疏申救。可

謂賢矣。巡撫南贛劉同升卒於軍。同升字晉卿。吉水人。祭酒

狀元。莊烈帝問年幾何。對曰。臣年五十。一矣。恐無

以報聖恩。帝曰。爾尚似少年。勉之。以論揚時昌。謫福

建按察司知事。福王立。召用。不起。唐王以同升為詹

事兼兵部左侍郎。巡撫南贛。其勞瘁於十二月十日卒於贛州。贈東

閣大學士。謚文忠。丙戌年春正月。邵武人訛言寇至。知府吳士焯推官

朱健並出奔。建陽知縣施鏐坐貪墨。有旨逮問。皆論

死。大學士曾櫻以為罪不至死。力爭之。唐王不能用

其言。而心嘉其忠直。以覃恩進太子太保。○芝龍知

唐王欲出師。乃命鄭鴻逵為大元帥。出浙東。鄭彩為

副元帥。出江西。唐王築壇。行推轂禮。既出關。疏稱候

餉。頻檄催之。逾關四五百里而還。○大學士蔣德璟

引疾去。戶部尚書李長倩以憂憤卒。○二月唐王下

令親征。楚撫何騰蛟。江西鄉紳楊廷麟各奉表迎駕。芝龍不聽。駐蹕延平。以兵部尚書吳春枝畱守。



吳炳自江右至。命為布政使充提調官。翰林院編修劉以修充主考官。取中舉人葉瓚等一百名。時

大清招撫江南者為內院洪承疇。招撫福建者為御

史黃熙。亂皆晉江人。芝龍密遣使通款。唐王不知也。

會都督陳謙奉魯王使命。偕行人林塗至關。趨起未

敢入。芝龍與謙有舊。以書招之。乃入。陛見。啓函稱皇

叔父。不稱陛下。唐王怒。下謙於獄。芝龍疏救不聽。武謙

進人。乙酉春。齊福王詔封芝龍為南安伯。比讀詔誤

書。安南芝龍不悅。謙曰。安南則兼兩廣。南安僅一郡

耳。請留券而易詔。更晉伯為侯。芝龍大喜。厚贈而別。半途而南京陷。詔未易也。有陳邦芑者

鎮江人。以名對中旨。擢監察御史。實出芝龍門下。蒙

信任。密奏曰。陳謙為魯心腹。與芝龍至交。不急除。恐

有內患。唐王即命誅謙。或以告芝龍。芝龍曰。刑人於

市。必經吾門。吾且命停刑。願以吾官職贖謙罪。當不

死。夜半。內傳別移謙斬之。芝龍奔赴。伏屍哭極哀。出

千金營葬。為文祭謙。有我雖不殺伯仁。伯仁由我而

死之語。流連悲涕。遂懷去志。因揚言海寇入犯。須往

備禦。拜疏即行。芝龍既去。守關將施福盡撤兵還安

平仙霞嶺。二百餘里。空無一人。○三月朔

大清兵開壩。驅船入江。王之仁統水師從江心襲戰

却之。○魯王遣使柯夏卿曹惟才來聘。唐王加夏卿



兵部尚書。惟才光祿寺卿。手書報王曰。吾無子。王爲皇太姪。同心僇力。共拜孝陵。吾有天下。終致於王。取浙東所用職官。盡列朝籍。無分彼此。又遣都御史陸清原齎餉銀十萬兩犒勞浙東軍士。至江上。方國安縱兵盡奪其餉。殺清原。且出檄文數。唐王罪。張國維嘆曰。曲在我矣。○夏四月。

大清兵屯江上。以大砲擊南營。碎方兵廚竈。特有鄭兵方兵

之國安曰。此天奪吾食也。○五月。方國安拔營還紹興。偪魯王南行。江上諸軍俱散。鄭謙遵攜家入海。惟王之仁獨留。張國維議抽兵分守之。仁曰。北兵數十

萬。倏然而渡。孤軍何以迎敵。吾惟有一死耳。公自爲計。國維乃追扈監國。行至黃石岩。方國安已斷所過橋。不得進。

禮部尚書余煌盡放城中兵民出走。正衣冠赴水死。○六月朔。

大清兵渡江至紹興。原任山西僉事鄭之尹。兵部侍郎陳函輝。禮部侍郎王思任。通政使吳存魯。大理寺少卿兼御史陳潛夫。兵部主事葉汝衡。高岱皆死之。岱子諸生聞聞薙髮之令。投海死。葉汝衡高岱皆會稽人○方

國安馬士英知紹興失守。議獻魯王以降。使人守之。



誤天下者文山  
蓋山也

會守者病魯王得脫浮海入舟山傳命張國維相機  
恢復國維過東陽治兵開義烏破衆勸國維且避圖  
再舉國維曰誤天下者文山蓋山也一死而已

大清兵至七里寺國維赴水死國維東陽人天啓二年進士崇禎朝兵部

尚書以討賊功加太子太保魯王監國王之仁以舟  
載其妻子及兩子婦幼女諸孫沉於蛟門下獨往見

洪承疇自稱仁係本朝大帥不肯沒身波濤今來投

見要死得明白承疇接以禮命薙髮不從斬於市

大清兵至金華督師閣部朱大典城守甚堅用紅衣

大砲擊城破之大典闔門自焚死大典字延之金華人萬曆四十四年

進士崇禎四年為山東巡撫討李九成孔有德有功  
進兵部右侍郎總督漕運兼巡廬鳳淮陽福王立進

兵部尚書總督上江軍務唐王立進大學士督師浙東

大清兵至衢州永豐伯張鵬翼拒守部將秦登科等

獻城鵬翼及樂安王楚王晉平王皆被殺巡按金衢

二府兼督學政吳江王景亮知府安福伍經正推官

江陵鄧岩忠署江山知縣宣城方名皆死之

馬士英遁入台州山寺為僧搜獲之阮大成方逢年

方國安皆薙髮降北來軍馬從容過嶺無一兵守關

者

秋七月唐王視朝羣臣將退命內侍出一篋置殿前

月已詳

附明三王紀



諭羣臣曰。吾初無利天下之心。賴諸卿擁戴。越在海隅。布袍蔬食。晝夜焦勞。有何人君之樂。止是上為祖宗。下為百姓。惟恐負卿等立君之意。昨關上主事。搜得關中出關迎降書二百餘封。今俱在此。吾不欲知其姓名。着錦衣衛官檢明封數。對眾焚之。卿等宜無負初終也。唐王長身豐頤無鬚。性儉朴。傷國家多難。勅斷酒肉。衣大布衣。鄭氏獻美女。不欲却。亦弗御。後宮驅使。惟老嫗數人。每出諭旨。辭氣慷慨。舉朝感動。

○八月

大清兵長驅直入。巡按鄭為虹駐浦城。縱士民出走。

而自與兵科給事中黃大鵬等防守。城陷。百姓德為虹。擁之見兵主。泣求保全。兵主命跪不聽。命薙髮為虹。曰。負國不忠。辱先不孝。死吾分也。明日復召見。責輸餉。為虹曰。清白吏何處得金。百姓爭欲代輸。以贖其死。為虹曰。民窮財盡。決不可。於是瞋目大罵。遂見殺。其僕陳龍從死。大鵬及都督陳祖烈。都司張翹鸞。千戶張萬明同日死之。為虹字天王。江都人。崇禎十年進士。死時年二十五。百

姓為之立祠。大鵬字文若。建陽人。崇禎十三年進士。

唐王自芝龍去後。決意幸贛。是月二十一日啓行。猶載書萬餘卷。以從。抵順昌。聞追兵且至。騎而奔。大臣



明紀事本末 卷之六  
從行者何吾騶郭維經朱繼祚黃鳴俊四人已而吾騶維經逸去。

大清兵至順昌搜龍扛得馬士英阮大成方國安方逢年連名請駕出關臣等為內應疏按其出疏月日在巳降後時大成方遊山自投崖下死仍戮屍士英國安逢年皆斬兵至延平知府王士和召父老語之曰吾受上知眷雖一月郡守義與此城存亡爾等可速出城勿使數萬生靈同歸於盡父老泣拜而去士和自縊死士和字萬育金谿人崇禎朝舉人○唐王至汀州大清兵追執之并執曾后送福州斬於市朱繼祚勒

致仕黃鳴俊授五品官以疾辭免禮部尚書曹學佺通政使馬思理死之侯官貢生元綸不食死閩縣市民趙卯拜辭父母自縊死

從駕給事中熊緯於帝后被執時抗節不屈殺於行宮從駕總兵官胡上琛自汀奔回福州謂其家人曰

吾世臣也不可苟活服毒死緯字文江南昌人崇禎十六年進士上琛字席

公世為福州右衛指揮使有文武才○九月

大清兵入泉州原任大學士蔣德璟死之原任南京戶部主事郭符甲舉兵城中謀恢復戰沒屍七日如生鄉人義而葬之符甲晉江人崇禎十六年進士○兵至汀州○冬



十月

大清兵入漳州鄭芝豹自泉州奔安平鎮名芝龍時築城以居

芝龍保安平軍容赫然戰艦齊備砲聲不絕外示威

武而內已通款又撤守關兵不以一矢相加遺自恃

有大功意在要挾兵主貝勒聞泉州鄉紳郭必昌與

芝龍善使招之且曰今鑄閩粵總督印以待將軍芝

龍大喜劫其眾出降諸將力諫其子成功及弟姪皆

痛哭勸芝龍入海曰魚不可脫於淵不聽遂奉表降

是月初四日

大清兵破贛州督師閣部楊廷麟兵部尚書萬元吉

皆赴水死廷麟字伯祥清江人崇禎四年進士乙酉

州臨江皆陷廷麟奔贛乞師於巡撫李永茂將圖恢復

既而建昌吉安亦陷八月降武平詔加廷麟兵部

右侍郎與劉同升共謀舉事復吉安臨江進廷麟兵

部尚書兼東閣大學士命開府南贛丙戌秋水師請

營及四方援軍悉潰圍久糧絕至是死難城被屠元

吉字吉人南昌人天啓五年進士崇禎時監揚嗣昌

軍福王立為太僕寺少卿視師江北唐王立代劉同

升巡撫南贛丙戌五月進兵部尚書與廷麟同守贛

州禁婦女出城城破部將欲擁元吉去元吉歎曰為

我謝贛人使闔城塗炭者我也我安得獨生遂赴水

死

兵科給事中楊文薦奉命往湖南過贛見時事危

急自任守禦城中賴之會汀州報唐王遇難人情洶

懼又贛州被圍久力不支北兵由小南門登城上發

砲砲炸城遂陷文薦被執絕食死文薦字幼于京山進士萬元吉門人

月已

附明三王紀

三

三



吏兵二部尚書兼都察院右副都御史總理湖廣江西廣東浙江福建軍務郭維經監察御史巡按廣東

姚奇胤率師援贛城陷死之維經字六修龍泉人天啓五年進士奇胤字有

僕錢塘太常寺卿管贛南兵備副使彭期生坐矢石

間未嘗安寢城陷自縊死期生字觀我海鹽人萬曆四十四年進士同時

死者職方司主事周瑚參將陳烈皆罵不絕口磔死

通判王明汲翰林院編修兼兵科給事中萬發祥吏

部主事龔棻戶部主事林琦工部主事王其玄黎遂

球柳昂霄曾嗣宗錢謙亨中書舍人袁從諤劉孟錦

劉應四推官攝知府事吳國球監紀通判郭寧登臨

江推官胡鎮贛縣知縣林逢春總兵官劉天駟副將

王起龍兵部主事于斯昌皆以不屈死鄉紳盧觀象

驅其家男婦大小皆入水乃自沉舉人劉日佺全家

同日死

麟按文山登山皆起兵江西忠義激發君子稱之

廷麟以皇太子講官直經筵每奏對帝為之改容

因張若琪沈迅朱統纒讒構百端貶秩謫外稍遷

職方主事未究其用迨夫兩都並陷號召興復逾

年而敗從事諸君子與公同死無一苟存者江右人物憂乎其不可尚矣

先是攝撫州府事高飛聲先遣人齎印赴行在城陷

死之唐王聞之悲悼贈江西按察司僉事飛聲字克正長樂舉人○新城知縣李翔有才畧常擒斬巨寇黃東來百



姓德之城陷手殺十餘人被執不屈而死唐王贈翔光祿寺少卿謚忠壯鄉紳徐伯昌佐翔守城亦死之翔字翊公邵武貢生伯昌字子期由舉人授兵部主事改御史十一月鄭芝龍至福州朝見兵主貝勒握手言歡折箭為誓痛飲三日夜半忽拔營起挾之北去從者五百人分隸各旗不得相見芝龍言吾子弟素非馴良今擁兵海上脫有變奈何貝勒曰此無與爾事亦非吾慮所及也芝龍既行鄭鴻逵鄭彩鄭成功各率所部入海其後成功叛討滅之

附南方臣民以不薙髮死者

六合諸生馬純仁金壇木工湯士鰲瑞安諸生鄒欽

堯永嘉諸生鄒之琦皆投水死○祁門舉人馬嘉歆

縣布衣方國煥武進布衣歐敬竹蘇叟石士鳳無錫

諸生嚴紹英常熟諸生徐懌史傳作徐澳浦江諸生張君

正晉江舉人劉應星皆自縊死○靖江布衣翟士元

崑山布衣陸幼安皆自剄死○宜興諸生盧象回蘇

州舉人楊廷樞無錫原任吏部員外郎華允誠吳江

布衣陳宗道新城諸生楊應和楊存久宣城諸生麻

三衢福清貢生林化熙皆捕治論死○常熟諸生項

志寧壽州諸生謝一魯武進諸生董元皆發憤痛



哭死。○福清舉人林說絕食死。○寧都失守。兵士過其地。人皆走匿。諸生劉泰兆峨冠大袖當戶而立。兵士問爾何人。曰我明朝諸生也。問何以不薙髮。曰薙髮惟若輩可耳。眾兵攢刀斫之而死。

桂王諱由榔。桂王常瀛第四子。神宗孫也。初封永明王。隆武既沒。立於廣東。在位十三年。

遁入緬甸。後遇害。

丙戌年秋八月唐王既及於難廣西巡撫瞿式耜總

督丁魁楚兵部尚書呂大器李永茂會議立君式耜

首言永明王賢當立遂於冬十月十四日立王監國

神宗第四子常瀛封桂王。天啓七年就國於湖廣衡州府崇禎十六年獻賊陷衡州王走廣西世子及兩

弟並遇害。桂王居梧州王薨永明王方在哀疚中式耜過梧謁王見其姿表非常心異之迎王居肇慶唐

王因問至式耜以肇慶府署為行宮丁魁楚呂大器

倡議立永明王並為大學士瞿式耜為吏部右侍郎兼內閣學士掌

銓事魁楚兼戎政大器兼中樞原任兵部尚書李永

茂終制○太監王坤趣王還梧州

璘按王坤於崇禎朝監餉宣府頗作威福禮部主事周鑑常論及之坤又疏劾周延儒延儒求去左

副都御史王志道言內官不宜侵輔臣帝切責志道而放延儒歸弘光立坤自此而南改名肇基命

督催閩浙金花銀兩以高弘圖力諫而止後入閩隆武不用入粵事永曆使永曆播遷無寧宇者坤

啓之也雖為定蠻侯劉承亂所逐而病根未除仍入武岡行在國勢至此猶聽命於中璫以踵敗亡

之轍可慨也已



福建舊相蘇觀生何吾騶遁回廣東觀生過三水聞王監國耻已不與議遂不赴朝會唐鄧諸王自閩航海至廣鎮將林察迎之海上觀生與何吾騶布政使顧元鏡等迎隆武弟唐王聿錫入廣州城○十一月初五日聿錫卽位改元紹武此中監國之詔未達彼中登極之詔先頌魁楚乃迎王自梧還肇於是月十八日正位號以明年丁亥爲永曆元年遣兵科給事中彭耀往諭聿錫蘇觀生殺耀卽日發兵來伐永曆遣兵部右侍郎林佳鼎出師與廣州兵遇於三水全軍覆沒佳鼎及僉事夏四敷俱死

以巡按御史王化澄爲兵部右侍郎○時司禮監王坤用事銓政軍務任意顛倒吏科給事中劉燾抗疏糾坤忤旨瞿式耜疏救乃免○十二月

大清總兵官李成棟率輕騎直入廣州城殺周王益王遼王紹武方幸學聞變卽易服踰垣出匿于應華家俄縋城走爲追騎所獲自縊死蘇觀生亦自縊何吾騶顧

元鏡降成棟遣將取南韶親統兵向肇慶瞿式耜請督師駐陝口王坤趣桂王西走式耜爭之不聽遂乘輕舟上西峽

丁亥年春正月朔

是爲永曆元年

桂王至梧州時丁魁楚在



岑溪王化澄在潯州從行者止式耜一人○李成棟分兵克高雷廉三州遂入梧州桂王出奔廣西巡撫曹熠降成棟遣將閻可義等取瓊州

二月桂王至桂林以吳炳爲大學士○瞿式耜肅殿陛飭守禦請都焉○丁魁楚屯兵岑溪

大清兵招之不聽乃水陸設伏戰於藤江魁楚中箭死○李成棟既定廣東將趨桂林王坤請桂王幸楚瞿式耜請暫駐全州疏言半年之內三四播遷兵心民心無不惶惑我進一步人亦進一步我去速一日人來亦速一日若去而不守愚者亦知其拱手送矣

請以身留桂王乃命式耜留守

三月李成棟兵至桂林值焦璉自全州回從數人控弦提刀接戰稍却之入城出復戰大破北兵桂林得

全

夏四月劉承胤自武岡州入衛分兵援桂林進封安國公承胤惡王坤逐之頗尊朝廷俄而拔扈不可制劫駕幸武岡改州爲奉天府政事皆決焉承胤所遣援桂林與焦璉兵主客不和相擊鬪李成棟乘機復犯桂○五月李成棟薄城下營於文昌門焦璉白貴白玉等開城出戰馬之驥隔江發大砲助其聲勢北



兵大敗。乘勝追擊。殺數千人。北兵又一路從栗木嶺來。之驥疾馳迎戰。追奔數十里。自是不復窺桂林。○**桂**王在武岡。河南賊曹志寧等率所部來降。封志寧保昌侯。

以何騰蛟為總督。治衡州。堵胤錫為巡撫。治長沙。焦璉復陽朔。平樂。陳邦傳復潯州。梧州。粵勢粗定。○秋七月。

大清兵陷長沙。由寶慶直趨武岡。**桂**王從間道奔靖州。大學士吳炳被執。不屈而死。劉永胤以城降。亦見殺。**桂**王自靖州奔柳州。

前兵部侍郎張家玉。兵科給事中陳邦彥。大學士陳子壯。起兵攻廣州。不克。皆死之。○九月。**桂**王在柳州。總督何騰蛟。南安侯郝永忠。宜章伯盧鼎。各以兵至分汛防禦。行在以安。

冬十月。柳州叛將覃鳴琦與守道龍之明構釁。相攻。殺**桂**王奔象州。○十一月。北來總督佟養和攻全州。灌陽。何騰蛟督焦璉。郝永忠兵。盧鼎率滇帥趙印選。胡一清分路出擊。大敗之。養和僅以身免。諸將連營而軍。亘三百里。○十二月。**桂**王自象州還桂林。以瞿式耜嚴起恒為大學士。○焦璉兵與郝永忠不和。璉



走平樂永忠走興安

戊子年春二月忽傳北兵前驅至靈川桂王欲出奔瞿式耜力持不可言督師警報未至無不恐若播遷不已國勢愈弱兵氣愈難振民心皇皇復何所依不聽式耜又言候督師還背城借一勝敗未可知若以走爲策則何地不危反覆數百言泣下沾衣嚴起恒曰明日當議之甫夜半桂王已行矣時郝永忠自興安奔回滇營自靈川至縱兵大掠四面放火公私塗炭式耜亦被劫入船行三日始脫○三月北兵偵知桂林兵變乘虛來襲直抵北門瞿式耜守城何騰蛟

遣焦璉及楚鎮周金湯熊兆佐滇鎮趙印選胡一清分道出戰北兵大敗遂渡甘棠港遁去是月初十日桂王至南寧式耜報捷行在賜精忠貫日金圖書一方

夏四月朔桂王在南寧世子生○五月督師何騰蛟復全州

六月李成棟金聲桓各上表投誠成棟復具疏迎駕式耜請還桂林疏言駕若東幸軍中將帥謂朝廷樂新復之士成棟亦有邀駕之嫌號令既遠人心渙散臣不能制也再疏令簡討蔡之後往迎又疏令給事



中蒙正發往迎桂王竟由梧州入肇慶諸疏俱不報

金聲桓本寧南侯左良玉大帥降清用為江西提督副將王體中兵最强聲桓忌之與其部將王得仁

用計殺體中命得仁領其軍駐建昌得仁以私憤殺

巡按童御史遂發兵反聲桓稱豫國公得仁稱建武

侯廣東提督李成棟自負取粵大功一旦佟養甲為

總督受其節制不平亦懷異志是年三月十七日黎

明成棟令其兵齊集教場聲言索餉欲為變成棟請

總督出城撫輯養甲至眾兵呼譟同時割辮養甲亦

自割辮出榜安民用永曆年號傳檄各屬廣西封李

巡撫耿獻忠於梧州聞信亦率所屬割辮投誠

成棟惠國公佟養甲襄平伯其餘陞賞有差

秋八月桂王至肇慶成棟釋甲冑肅冠裳跪拜如禮

加繕府城為駐蹕之所因疏請召式耜還朝使者三

四至式耜固辭乞骸骨不允○金聲桓王得仁以寧

庶人起兵不攻贛州卒貽後患遂并力攻贛久不下

北兵襲南昌始還師有僧言宜擇時日出戰因閉城

自守北兵築長圍困之求戰不可得

九月李成棟率三萬人度嶺攻贛州以救南昌贛州

守將高進庫偽約降以殺成棟之師使南昌坐困成

棟信之還軍嶺上

己丑年春正月桂王命李成棟再出嶺攻贛州成棟

屯信豐

大清兵破湘潭執何騰蛟斬之騰蛟出廣西攻長沙

長沙下截水道李赤心大隊亦至○二月南昌破王

清兵四集騰蛟死百姓為之舉哀



得仁伏誅。金聲桓赴水死。北兵沂流援贛。直趨信豐。諸將欲拔營歸。李成棟不可。天久雨。召諸將議事。去者已大半。成棟慷慨。命酒痛飲。既大醉。左右挽之上馬。渡水。水漲。人馬俱沉。三日後。見成棟直立水中。始知其死。

夏四月。雲南孫可望遣官楊畏知龔鼎求封親王。給事中金堡以爲非祖制。朝議封可望景國公。遣冊使往。堵胤錫矯旨改封平遼王。換給勅印。潯州鎮陳邦傳又改封秦王。命中軍胡執恭間道先至。可望大喜。受賀三日。畏知等以平遼王勅印至。可望不受。曰。吾

已封秦王矣。畏知曰。彼僞封也。召執恭面質。執恭曰。彼亦僞封也。原封景國公。勅印具在。可望大怒。下畏知執恭於獄。

六月。畱守瞿式耜請以戎政張同敞總督各路軍馬。同敞。張居正曾孫。有文武才。每出戰。輒躍馬爲諸將先。年四十無子。妻卒。蕭然一榻而已。

秋九月。畱守瞿式耜疏報北來大帥定南王孔有德也。實抵衡州。水陸並進。一面發兵往寶慶。一面大隊來永州。滇帥普明等全軍覆沒。報至。總督同敞馳赴全州。全爲廣西門戶。北兵不卽深入。以曹志建兵屯龍虎關。爲衡永之左路。馬進忠兵屯瓜里。爲武寶之



右路兩相犄角也。○福建韶安等處皆歸順。劉中藻在福寧以勢窮自縊死。惟延平所屬處萬山中。

大清兵既回。土人立德化王朱慈熠據將軍寨。出攻順昌將樂。

冬十一月官軍至延平。獲慈熠。餘眾悉降。

庚寅年春正月初六日塘報南雄韶州並陷守將棄

城走。初八日桂王西奔十三日過德慶州鎮將安定

伯馬寶領兵扈駕式耜馳疏請留不聽。○二月朔桂

王至梧州始聞北來者平南王尚可喜靖南王耿仲

明久頓江西吉安府惠潮道李士璉鎮將郝尚密往

投誠導之入關矣。時堵胤錫已死。戶部尚書吳貞毓

等疏劾袁鵬年劉湘客丁時魁金堡蒙正發為五虎

把持朝政罔上行私皆下錦衣獄。大學士嚴起恒為

請不允瞿式耜聞之疏七上。申救備至。猶未許。先是

棟首疏言文武各還事權言官正氣宜獎內侍不得

干預機務桂王從之時言官又請正綱紀慎名器人

多失意造謗熒惑有呂爾璵者為馬吉翔門下士冒

入臺班金堡劾之曰臣何人也爾璵何人也以仁傑

之袍賭昌宗之裘志士猶快快顧且肆行無忌也言

其不倫是日御史程源在舟側大言金堡即昌宗仁

傑兩語罪該萬死聲達慈寧舟中慈寧者桂王嫡母

王太后也於是錦衣衛張鳳鳴奉密旨欲致堡死故

堡受刑 ○曹志建戰敗。

大清兵入龍虎關馬進忠敗於瓜里走入武岡桂林



大震督帥于元華滇鎮趙印選胡一清各懷私憤焦璉在平樂呼之不至。

大清兵長驅入全州過嚴關莫有禦之者。○冬十月初二日寧遠伯王永祚及印選一清俱以領餉入桂林榕江一帶遂爲空壁。諸塘盡掃留守瞿式耜命趙印選出城爲戰守計再促之則已盡室行。武陵侯楊國棟寧武伯馬養麟馳出小路勒兵兵自潰胡一清王永祚各奔竄獨式耜危坐府中總兵戚良勳操二騎至請式耜速出再爲後圖式耜曰爾去則去我去不過多活幾日自古至今誰不死者良勳去總督張

同敞自靈川回聞知城虛無人惟畱守在卽過江見式耜曰事急矣將奈何式耜曰封疆之臣身將焉往子無畱守責盍去諸同敞曰死則俱死耳式耜呼酒與其飲四顧左右惟一老兵不去命呼中軍徐高以勅書劍印付之諭令星馳上行在張燈相向坐至天曉有數騎執二人去至靖江王府見定南王孔有德有德舉手曰誰是瞿閣部先生式耜曰某是也城旣陷惟求一死有德曰吾斷不殺忠臣何必求死閣部母自苦我掌兵馬閣部掌錢糧一如前朝可也式耜曰天朝大臣豈爲汝供職有德曰我先聖之裔勢會



髮短命長

所迫。以至今日。閣部何太執。同敞厲聲曰。爾不過毛  
文龍下走犬耳。母辱先聖。有德怒。叱左右縛之。式耜  
曰。此宮詹司馬張同敞也。來與吾同死。不可辱。有德  
命釋縛。還其衣冠。命坐。式耜請死。有德遣官守護。居  
於別第。令薙髮。不可。令為僧。亦不可。曰。為僧者。薙髮  
之漸也。髮短命長。我不為也。遂死之。式耜同敞死於  
十一月十七日  
臨刑天大雷電。空中震擊者三。遠近稱異。給事中金  
堡。已為僧。上書定南王。請葬式耜同敞。吳江楊藝為  
具衣冠收斂。葬二  
人於北郊之原。時廣州亦以十月初三日破城。初  
十日桂王自梧趨潯州。陳邦傳謀叛。有告者。十二日  
衝雨而過。諸臣在後。多被劫掠。大半墮水死。十六日

駕趨南寧。嚴起恒王化澄。馬吉翔。龐天壽從。

辛卯年春二月

大清兵至梧州。陳邦傳殺焦璉於武靖州。函其首乞  
降。盡獻潯南之地。自此干戈擾攘。道路阻塞。孫可望  
李定國相繼稱雄。蹂躪於滇黔川廣之間。流離播遷  
無寧宇矣。其後桂王遁入緬甸。為領兵官吳三桂所  
害。

璘按永曆末造。殉國諸臣。咸有列傳。如冷孟銍。傳  
言帝蹕安隆時。授兵部右侍郎。久之為貴州巡撫。  
永曆十二年夏四月。敵信安隆。馬進忠。馬惟興。引  
兵遁入貴陽。馬雙禮棄平越。敬騎大至。銍為叛兵  
所執。獻敵營。論降。固拒被殺。贈兵部尚書。蔭一子  
又王應龍傳。言駕自昆明西幸。應龍父子扈從。追



